



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

22 JUN 2021
11 ZULKAEDAH 1442H

SENARAI AKHBAR	TAJUK
Utusan Malaysia	<ul style="list-style-type: none">• Penyu mati tidak sempat bertelur• Empat bot pukut tunda dikesan kerap ceroboh zon nelayan pantai (Online)
Berita Harian	
Harian Metro	<ul style="list-style-type: none">• 'Bot kebal' kerap ceroboh kawasan nelayan pantai• Penyu karah mati angkara mata kail
Kosmo !	
Sinar Harian	<ul style="list-style-type: none">• Penyu karah mati tak sempat bertelur
The Star	
New Straits Time	
Nanyang Siang Pau	
Malaysia Gazette	
Harakah	
Malaysia Dateline	
Bernama	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR						MUKA SURAT	TARIKH
UTUSAN MALAYSIA	/	KOSMO!		THE STAR	NANYANG SIANG PAU		
BERITA HARIAN		SINAR HARIAN		THE SUN	ORIENTAL DAILY	13	22/6/21
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL		

Penyu mati tidak sempat bertelur

ALOR GAJAH: Seekor penyu karah seberat 40 kilogram tidak sempat mendarat di pantai untuk bertelur apabila ditemukan mati dengan kesan luka mata kail di pesisiran Pantai Tanjung Bidara di sini, semalam.

Pengarah Jabatan Perikanan negeri, Mohd. Fauzi Solehon berkata, laporan berhubung kejadian diterima pada pukul 4.30 petang dan sepasukan pegawai ke lokasi untuk memeriksa keadaan penyu karah tersebut.

Katanya, hasil pemeriksaan, ia didapati bunting dan dipercayai mati di laut akibat terkena rawai.

“Penyu dalam keadaan bunting dan pernah bertelur di pantai di Melaka kerana terdapat tag yang ditandakan di badannya,” katanya ketika dihubungi di sini semalam.

JENIS AKHBAR							MUKA SURAT	TARIKH
UTUSAN MALAYSIA ONLINE	/	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY	ONLINE.	22/2/21
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL			

Empat bot pukat tunda dikesan kerap ceroboh zon nelayan pantai



SUNGAI PETANI: Pihak berkuasa digesa mengambil tindakan ke atas empat bot pukat tunda yang berdaftar di Pulau Pinang kerana didakwa kerap menceroboh zon tangkapan ikan nelayan pantai di Teluk Bahang di negeri itu.

Pengerusi Persatuan Pendidikan dan Kebajikan Jaringan Nelayan Pantai Malaysia (Jaring), Che Ani Mat Zain berkata, bot-bot tersebut dikesan melakukan kesalahan itu pada waktu malam.

“Salah sebuah bot pukat tunda didakwa melakukan banyak kesalahan di bawah Akta Perikanan 1985 tetapi masih lagi bebas beroperasi. Ia juga dikenali sebagai ‘bot kebal’ dalam kalangan nelayan pantai di situ,” katanya dalam satu kenyataan di sini hari ini.

Katanya, hanya dalam tempoh seminggu, terdapat empat pencerobohan bot pukat tunda di kawasan Teluk Bahang melibatkan empat bot berkenaan.

“Jaring amat bimbang jika keadaan ini berterusan ia akan merosakkan laut dan menjejaskan pendapatan nelayan pantai Zon A,” katanya.

Sehubungan itu, pihaknya menggesa Kementerian Pertanian dan Industri Makanan serta Jabatan Perikanan supaya mengambil tindakan tegas terhadap bot-bot yang didapati melakukan pencerobohan.

“Tindakan tegas termasuk melucutkan lesen bagi bot pukat tunda yang melakukan banyak kesalahan juga perlu dilakukan,” katanya.

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL			

Alor Setar: Persatuan Pendidikan dan Kebajikan Jaringan Nelayan Pantai Malaysia (Jaring) menggesa pihak berkuasa mengambil tindakan tegas terhadap kegiatan bot pukat tunda yang melakukan pencerobohan di kawasan nelayan pantai di Pulau Pinang.

Pengerusi Jaring Che Ani Mat Zain berkata, nelayan pantai mengesakan kehadiran bot tunda dipercayai berdaftar di Pulau Pinang selepas sering dilihat menceroboh kawasan perairan zon nelayan A terutama pada waktu malam.

"Bot ini dikenali sebagai 'bot kebal' dalam kalangan nelayan. Bot pukat tunda dilihat menceroboh zon A kurang dari tiga batu nautika dari perairan Pulau Pinang jam 12.30 tengah malam, 17 Jun lalu.

"Kehadiran bot ini dirakam nelayan di kawasan berkenaan. Amat menghairankan bot mempunyai rekod 17 kesalahan mengikut Akta Perikanan 1985 masih dibenar beroperasi," katanya.



JARING menggesa siasatan dibuat ke atas bot tunda yang menceroboh.

Che Ani berkata, pihaknya percaya ada banyak lagi bot pukat tunda mempunyai kesalahan dan rekod sama seperti bot terbabit.

Katanya, dalam tempoh seminggu sahaja ada empat pencerobohan bot tunda dikesan di kawasan Teluk Bahang, Pulau Pinang.

"Jaring bimbang jika keadaan ini berterusan, ia akan

merosakkan khazanah laut dan menjejaskan pendapatan nelayan pantai zon A dan kita kerap terima aduan nelayan berkaitan pencerobohan vesel tunda di kawasan zon tangkap nelayan A.

"Kita menggesa dan men cadangkan Kementerian Pertanian dan Industri Makanan dan Jabatan Perikanan agar bot pukat tunda



Jaring bimbang jika keadaan ini berterusan, ia akan merosakkan khazanah laut dan menjejaskan pendapatan nelayan pantai zon A"

Che Ani Mat Zain

terbabit dilucutkan lesen dan tidak dibenar beroperasi," katanya.

Selain itu, beliau berkata, pihaknya menggesa siasatan terperinci dibuat ke atas bot tunda terbabit.

"Satu jawatankuasa khas perlu menyiasat dan mengambil tindakan ke atas pemilik serta bot pukat tunda yang dikenakan tindakan undang-undang dengan Jabatan Perikanan harus pamerkan nombor bot di laman web.

"Pelan penghapusan penggunaan pukat tunda harus diteruskan dan perlu disegerakan agar dapat menjamin kelestarian sumber perikanan negara," katanya.

JENIS AKHBAR						MUKA SURAT	TARIKH
UTUSAN MALAYSIA		KOSMO!		THE STAR	NANYANG SIANG PAU		
BERITA HARIAN		SINAR HARIAN		THE SUN	ORIENTAL DAILY		
HARIAN METRO	/	NEW STRAITS TIMES		THE MALAY MAIL	PELBAGAI		
KATEGORI LIPUTAN:		POSITIF		NEGATIF		NEUTRAL	

BANDAR melaka karah betina terdapat di Pantai Tanjung Bidara, melaka.



Penyu karah mati angkara mata kail

Melaka: Malang buat ekor penyu karah apabila ditemui mati sebelum sempat naik ke pantai untuk bertelur di pesisir Pantai Tanjung Bidara di sini, kelmarin.

Penyu karah seberat kira-kira 40 kilogram itu ditemui orang awam sebelum Jabatan Perikanan Negeri (JPN) diberitahu penemuan itu kira-kira jam 4.30 petang.

Pengarah JPN Mohd Fauzi Solehon berkata, bangkai penyu karah itu ditemui dengan kesan kecederaan luka terkena mata kail.

Katanya, sejarus menerima maklumat mengenai penemuan itu sepasukan pegawai bergegas ke lokasi bagi melakukan pemeriksaan ke atas penyu terbabit.

"Hasil pemeriksaan dilakukan mendapati terdapat kesan luka di kepala dipercayai terkena rawai.

"Kita percaya penyu itu mati di laut dan ditolak ke pantai oleh arus selain ia dalam perjalanan ke pantai untuk bertelur," katanya ketika dihubungi.

Mengulas lanjut beliau berkata, semakin dilakukan juga mendapati, penyu karah betina itu sebelum ini pernah bertelur di Pantai Melaka.

"Pemeriksaan dijalankan mendapati terdapat tag di badannya yang ditandakan penyu itu sebelum ini pernah naik ke pantai dan bertelur.

"Dengan insiden yang berlaku kelmarin kita amat kecewa kerana ia memabitkan spesies haiwan yang terancam," katanya.

Beliau berkata, pihaknya tidak teragak-agak akan mengambil tindakan tegas sekiranya didapati ada nelayan yang menggunakan peralatan dilarang ketika menjalankan aktiviti menangkap ikan.

"Kami mohon nelayan di Melaka jangan menggunakan peralatan dilarang seperti pukat tagan atau pukat dan rawai tanpa umpan.

"Ini kerana ia boleh menyebabkan penyu tersangkut di pukat dan termakan mata kail kerana disangka makanan," katanya.

Menurut beliau, sekiranya ada yang dikesan masih menggunakan kaedah ini tindakan akan diambil mengikut Akta Perikanan 1985.

“
Terdapat kesan luka di kepala dipercayai terkena rawai
Mohd Fauzi



JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL			

Penyu karah mati tak sempat bertelur



Seekor penyu karah ditemui mati di pesisiran Pantai Tanjung Bidara, Alor Gajah pada Ahad.

ALOR GAJAH - Seekor penyu karah seberat 40 kilogram tidak sempat bertelur apabila ditemui mati dengan kesan luka pada leher dipercayai terbelit rawai nelayan di pesisiran Pantai Tanjung Bidara di sini.

Pengarah Jabatan Perikanan Melaka, Mohd Fauzi Solehon berkata, sepasukan pegawai tiba di lokasi kejadian selepas menerima aduan orang ramai.

Beliau berkata, pemeriksaan mendapati penyu berkenaan dipercayai mati di laut akibat terkena rawai.

"Penyu itu sebelum ini pernah bertelur di pantai Melaka berdasarkan tag yang ditandakan pada badan haiwan berkenaan. Disebabkan terkena rawai ini, penyu itu tidak dapat mendarat un-

tuk bertelur di pantai negeri ini sekali lagi.

"Lebih menyedihkan ini adalah kes kesembilan penyu ditemui mati di pesisiran pantai di negeri ini dipercayai terkena peralatan nelayan yang dilarang seperti rawai, tagan atau pekap sepanjang tahun ini," katanya ketika dihubungi *Sinar Harian* pada Isnin.

Mohd Fauzi berkata, tindakan akan diambil mengikut Akta Perikanan 1985 sekiranya masih terdapat nelayan menggunakan peralatan yang dilarang ketika menangkap ikan.

"Apabila nelayan menggunakan peralatan yang tidak dibenarkan, ia boleh menyebabkan penyu tersangkut dan termakan mata kail," katanya.